

ЎЗБЕКИСТОН РЕСПУБЛИКАСИ  
ВАЗИРЛАР МАҲКАМАСИНинг  
КАРОРИ



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

, 16 „ ИЮЛЬ 2018 й. т. № 538

Тошкент ш. – г. Ташкент

**Ўз кучини йўқотаётган умуммажбурий идоравий хужжатларнинг ўрнига  
янги норматив-хуқуқий ва бошқа хужжатларни тайёрлаш бўйича  
чора-тадбирлар режасини тасдиқлаш тўғрисида**

Ўзбекистон Республикаси Президентининг 2018 йил 13 апрелдаги ПҚ-3666-сон “Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида”ги қарори ижросини таъминлаш, замонавий талабларга жавоб берадиган янги норматив-хуқуқий ва бошқа хужжатларни қабул қилиш ҳамда умуммажбурий идоравий хужжатлар ўз кучини йўқотаётганлиги сабабли қонунчиликда хуқуқий бўшлиқ келиб чиқишини олдини олиш мақсадида Вазирлар Маҳкамаси **карор қиласди**:

1. Ўзбекистон Республикаси Президентининг 2018 йил 13 апрелдаги ПҚ-3666-сон “Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида”ги қарорига мувофиқ 2019 йил 1 январдан Ўзбекистон Республикаси худудида 1993 йил 17 июнягача қабул қилинган ва Ўзбекистон Республикаси Адлия вазирлигига рўйхатдан ўтмаган умуммажбурий идоравий хужжатлар, шу жумладан собиқ СССРнинг идоравий хужжатлари ўз кучини йўқотаётганлиги маълумот учун қабул қилинсин.

2. Ўз кучини йўқотаётган умуммажбурий идоравий хужжатларнинг ўрнига янги норматив-хуқуқий ва бошқа хужжатларни тайёрлаш бўйича чора-тадбирлар режаси (кейинги ўринларда Режа деб юритилади) иловага мувофиқ тасдиқлансан.

3. Вазирлик ва идораларнинг раҳбарлари Режада кўрсатилган норматив-хуқуқий ва бошқа хужжатларни ўз вақтида ва сифатили тайёрланиши, экспертиза қилиниши ва келишиши учун шахсий жавобгарлик юклансин.

4. Режада кўрсатилган масъул ижроилар ҳар ойнинг 25-кунидан кечиктирмасдан Ўзбекистон Республикаси Адлия вазирлигига Режанинг ижро ҳолати тўғрисида ахборот киритиб борсин.

Ўзбекистон Республикаси Адлия вазирлиги хисобот оидан кейинги ойнинг 5-кунидан кечиктирмасдан Ўзбекистон Республикаси Вазирлар Маҳкамасига Режанинг ижро ҳолати юзасидан умумлаштирилган ахборот киритиб борсин.

5. Мазкур карорнинг ижросини назорат килиш Ўзбекистон Республикаси  
Бош вазирининг ўринбосарлари ва Ўзбекистон Республикаси адлия вазири  
Р.К.Давлетовга юклансин.

Ўзбекистон Республикасининг  
Бош вазири



А. Арипов